

Enwi a Rhifo Strydoedd

Canllawiau Polisi a Nodiadau



NEW STREET
HEOL NEWYDD



Newport
CITY COUNCIL
CYNGOR DINAS
Casnewydd

Rheoli Dogfennau

| | |
|----------------------|---|
| Lluniwyd gan: | Uned Data Gofodol Corfforaethol |
| Dyddiad | 15/11/2012 |
| Adolygwyd gan | Shaun Powell – Rheolwr Data Gofodol Corfforaethol |
| Dyddiad | 26/06/2013 |

Hanes y Ddogfen

| Fersiwn | Dyddiad | Awdur | Nodiadau / newidiadau |
|----------------|----------------|---------------|---|
| V0.1 | 29/02/2008 | Shaun Powell | Drafft Cyntaf |
| V0.2 | 15/11/2012 | Sandra Newman | Diwygiadau a diweddariadau cychwynnol |
| V0.3 | 24/06/2013 | Shaun Powell | Diwygiadau a diweddariadau ychwanegol |
| V0.4 | 26/06/2013 | Shaun Powell | Diwygiadau a diweddariadau terfynol yn dilyn ymgynghori gyda swyddogion |
| V0.5 | 19/08/2013 | Shaun Powell | Diwygiadau yn dilyn ymgynghori ffurfiol |
| V1.0 | 25/10/13 | Shaun Powell | Terfynol |
| V1.1 | 01/04/2014 | Sandra Newman | Diwygiadau i raddfa'r taliadau |
| | | | |
| | | | |
| | | | |
| | | | |
| | | | |
| | | | |
| | | | |
| | | | |
| | | | |

Hawlfraint

Delir pob Hawl ar Eiddo Deallusol yn y ddogfen hon gan Gyngor Dinas Casnewydd Mae'n ddogfen yn y parth cyhoeddus a gellir ei chopïo, ei dyfynnu, ei chyhoeddi a'i dosbarthu gyda chydnybuddiaeth a hynny am ddim ond nid ei hail-werthu.

TABL CYNNWYS

| | | |
|----------|--|-----------|
| 1 | Cyflwyniad | 4 |
| 1.1 | Datganiad Polisi | 4 |
| 1.2 | Ystyriaethau'r Gymraeg | 4 |
| 1.3 | Beth yw Enwi a Rhifo Strydoedd?..... | 4 |
| 1.4 | Pam bod Enwi a Rhifo Strydoedd yn bwysig?..... | 5 |
| 1.5 | Pwy sydd yn gyfrifol am Enwi a Rhifo Strydoedd? | 5 |
| 1.6 | Pryd i Wneud Cais – Canllaw i Ymgeiswyr..... | 5 |
| 1.7 | Sut i Wneud Cais – Canllaw i Ymgeiswyr..... | 6 |
| 2 | Enwi a Rhifo Datblygiadau Newydd | 7 |
| 2.1 | Egwyddor Gyffredinol..... | 7 |
| 2.2 | Defnyddio Teitlau Marchnata Answyddogol | 7 |
| 2.3 | Themâu Arfaethedig | 8 |
| 3 | Cymeradwyo Cynlluniau Enwi a Rhifo | 8 |
| 3.1 | Enwau Strydoedd..... | 9 |
| 3.2 | Cyfresi Rhif Eiddo | 10 |
| 3.3 | Canolfannau Siopa, Parciau Manwerthu ac Ystadau Diwydiannol..... | 11 |
| 3.4 | Gweithredu Cyfeiriadau Newydd | 12 |
| 3.5 | Ychwanegu Enw i Eiddo â Rhif sy'n Bodoli'n Barod | 12 |
| 3.6 | Ailenwi Eiddo sydd ag Enw'n Barod | 12 |
| 3.7 | Addasu Adeilad sy'n Bodoli'n Barod | 13 |
| 3.8 | Ailenwi Stryd | 13 |
| 3.9 | Ail-rifo eiddo/adeiladau sy'n bodoli'n barod neu ailenwi stryd | 13 |
| 4 | Hysbysu Partneriaid Mewnol ac Allanol am Wybodaeth Ynghylch Newid Cyfeiriad | 14 |
| 5 | Rhestr Cyfeiriadau Corfforaethol Cyngor Dinas Casnewydd | 14 |
| 6 | Taliadau ar gyfer gwasanaethau Enwi a Rhifo Strydoedd | 16 |
| 6.1 | Graddfa'r Taliadau | 16 |
| 7 | Cysylltiadau Defnyddiol | 16 |
| 8 | Atodiadau | 17 |
| 8.1 | Cyngor Dinas Casnewydd - Ffurflen Gais Enwi a Rhifo Strydoedd..... | 17 |

1 Cyflwyniad

1.1 Datganiad Polisi

- 1.1.1. Nod y ddogfen hon yw darparu cyngor ac arweiniad i ddatblygwyr a pherchnogion eiddo sy'n bodoli eisoes parthed polisi Enwi a Rhifo Strydoedd Cyngor Dinas Casnewydd.
- 1.1.2. Mae Enwi a Rhifo strydoedd ac eiddo yng Nghasnewydd wedi ei reoli gan Gyngor Dinas Casnewydd dan ddarpariaethau Deddf Iechyd y Cyhoedd 1925 – Adrannau 17 i 19 (Enwi Strydoedd a Newid a Nodi Enwau Strydoedd).
- 1.1.3. Diben y rheoli hwn yw sicrhau y caiff unrhyw enwau strydoedd neu eiddo newydd eu dyrannu mewn modd rhesymegol a chyson. Bydd hyn yn hwyluso darparu gwasanaethau yn effeithiol o safbwynt y sector gyhoeddus a'r sector breifat ac yn enwedig i sicrhau y gall y gwasanaethau brys gyrraedd unrhyw gyfeiriad y cânt eu galw iddo.

1.2 Ystyriaethau'r Gymraeg

- 1.2.1. Fel Awdurdod Unedol Cymreig, mae Cyngor Dinas Casnewydd yn destun darpariaethau Deddf yr Iaith 1993, Mesur y Gymraeg (Cymru) 2011 a strategaeth iaith Llywodraeth Cymru, iaith fyw: iaith byw – Strategaeth y Gymraeg 2012 i 2017.
- 1.2.2. Comisiynydd y Gymraeg a Llywodraeth Cymru sy'n gyfrifol am ddatblygu pob agwedd ar y Gymraeg.
- 1.2.3. Trwy gyfrwng ei Gynllun Iaith, cred Cyngor Dinas Casnewydd y dylai ei ddelwedd a'i wyneb cyhoeddus adlewyrchu pwysigrwydd y Gymraeg a'r gwasanaethau a gynigir ganddo wrth ddarparu gwasanaethau effeithiol yn y gymuned.
- 1.2.4. Gan mai'r Cyngor sydd â'r hawl i benderfynu ar enwau strydoedd newydd, mae'n cydnabod pwysigrwydd rhoi ystyriaeth i'r farn leol. Y polisi parthed enwi strydoedd newydd felly bydd mabwysiadu enw dwyieithog sy'n gyson â threftadaeth leol a hanes yr ardal.
- 1.2.5. Yn dilyn cymeradwyo'r polisi bydd enw pob stryd yn Saesneg ac yn Gymraeg gyda statws cyfartal i'r ddwy a dim ffafriaeth i'r naill dros y llall.
- 1.2.6. Ni fydd unrhyw newid i enwau strydoedd sy'n bodoli eisoes a bydd y rhain yn aros yn yr iaith 'wybyddus' er mwyn osgoi dryswch.
- 1.2.7. Mae cyfrifoldebau statudol gan Gyngor Dinas Casnewydd a grymoedd i gynnal rhestrau cywir wedi eu diweddarau o enwau trefi, pentrefi, cymunedau a wardiau yn ogystal â datblygiadau newydd. Ym mhob achos, bydd y Cyngor yn sicrhau fod ei restrau o safon uchel a bydd, mewn ymgynghoriad â Chomisiynydd y Gymraeg, yn cynnal archwiliad o'r rhestrau y mae'n eu cynnal er mwyn sicrhau safoni lle bo angen.

1.3 Beth yw Enwi a Rhifo Strydoedd?

- 1.3.1. Mae enwi a rhifo strydoedd yn galluogi hunaniaeth benodol i gael ei dynodi i stryd ac yn sgil hynny unrhyw eiddo cysylltiedig y gellir cael mynediad iddo o'r stryd honno.

1.4 Pam bod Enwi a Rhifo Strydoedd yn bwysig?

- 1.4.1. Mae cofrestru eiddo yn dod yn fater cynyddol bwysig.
- 1.4.2. Mae cynnal safon uchel, gyson a chynhwysfawr o ran enwi strydoedd a rhifo neu enwi eiddo yn hanfodol am ei fod yn caniatáu:
 - Y Gwasanaethau Brys i ddod o hyd i eiddo yn gyflym – gall oedi gostio bywydau ac arian
 - Gall y post gael ei ddsbarthu yn fwy effeithlon
 - Gall ymwelwyr ddod o hyd i'w cyrchfannau
 - Gellir cyflenwi gwasanaethau a nwyddau yn ddibynadwy
 - Cofnodion darparwyr gwasanaethau yn cael eu cadw mewn modd effeithiol
 - Cwmnïau i dderbyn cyfeiriad ar gyfer dibenion swyddogol er mwyn cynnig gwasanaethau telegyfathrebu, yswiriant, bancio, sgorio credyd ac yn y blaen

1.5 Pwy sydd yn gyfrifol am Enwi a Rhifo Strydoedd?

- 1.5.1. Mae cyfrifoldebau a grymoedd statudol gan Gyngor Dinas Casnewydd, o fewn cyd-destun deddfwriaeth fabwysiadol, i enwi a rhifo strydoedd, newid enwau strydoedd a nodi enwau strydoedd. Mae grymoedd disgresiwn ychwanegol gan y Cyngor hefyd i ddarparu rhif neu enw ar eiddo.
- 1.5.2. Dylid nodi nad oes unrhyw rymoedd na chyfrifoldebau statudol gan y Post Brenhinol i enwi stryd nac i enwi, rhifo, ail-enwi neu ail-rifo eiddo.
- 1.5.3. Y Post Brenhinol yw'r unig un sydd â chyfrifoldeb i glustnodi cod post yn dilyn cydgysylltu a'u hysbysu o unrhyw fanylion cyfeiriad newydd neu a ddiwygiwyd gan Gyngor Dinas Casnewydd.
- 1.5.4. Mae'r Cyngor fel yr awdurdod enwi a rhifo statudol yn ymgymryd â gwiriadau priodol o fewn y Rhestr Gyfeiriadau Corfforaethol ac yn ymgynghori yn ehangach a chydgyssylltu â'r Post Brenhinol sydd yn gyfrifol am y Ffeil Cyfeiriad Cod Post (PAF) parthed eiddo newydd a/neu enwau strydoedd. Mae hyn yn lleihau'r potensial o ddyblygu a dryswch ac yn sicrhau bod ymagwedd gyson a diamwys yn cael ei mabwysiadu ledled Casnewydd.

1.6 Pryd i Wneud Cais – Canllaw i Ymgeiswyr

- 1.6.1. Dylai ceisiadau am wasanaethau Enwi a Rhifo Strydoedd gael eu gwneud gan:
 - Unigolion neu sefydliadau sy'n dymuno ychwanegu enw i eiddo sy'n bodoli yn barod sydd â rhif yn unig
 - Unigolion neu sefydliadau sy'n dymuno ail-enwi eiddo ag enw sy'n bodoli yn barod
 - Unigolion neu ddatblygwyr yn adeiladu eiddo newydd sy'n cynnwys eiddo preswyl newydd, safleoedd masnachol, unedau diwydiannol a'u tebyg

- Unigolion neu ddatblygwyr sy'n dymuno diwygio gosodiad datblygiadau newydd sydd eisoes wedi mynd drwy'r broses enwi a rhifo ffurfiol
 - Unigolion a datblygwyr sy'n ymgymryd ag addasiadau i eiddo sy'n bodoli'n barod a fydd yn arwain at greu eiddo preswyl neu eiddo busnes newydd. Bydd hyn yn cynnwys adeiladau sy'n bodoli'n barod a gaiff eu rhannu'n fflatiau neu swyddfeydd, ysguboriau a gaiff eu haddasu yn breswylfeydd a rhannu unedau masnachol
 - Preswylwyr sy'n dymuno ailenwi stryd
 - Unigolion a busnesau sy'n dymuno cael cadarnhad o gyfeiriad
- 1.6.2. Gall y broses enwi a rhifo fod yn un hirfaith rhwng derbyn cais, trwy'r broses ymgynghori i baratoi a chwblhau atodlenni a chynlluniau safle cymeradwy.
- 1.6.3. Dylai ymgeiswyr ymgynghori â Chyngor Dinas Casnewydd ar y cyfle cynharaf er mwyn osgoi oedi posib. Dylid cyflwyno ceisiadau cyn gynted ag y bo modd wedi i ganiatâd cynllunio ffurfiol a/neu gymeradwyaeth rheoliadau adeiladu ar gyfer y cynnig gael eu rhoi.

1.7 Sut i Wneud Cais – Canllaw i Ymgeiswyr

- 1.7.1. Gellir gwneud cais Enwi a Rhifo Stryd ar-lein yma [Enwi a Rhifo Strydoedd](#).
- 1.7.2. Fel arall gellir cael ffurflen gais drwy:
- Fynd i'n gwefan [Enwi a Rhifo Strydoedd](#)
 - E-bostio 6935snn@newport.gov.uk (dyma gyfeiriad e-bost dynodedig Casnewydd i'r diben hwn)
 - Cysylltu â Chanolfan Gyswllt y Ddinas ar 01633 656656
 - Argraffu'r copi sydd wedi ei gynnwys yng nghefn y ddogfen hon
 - Ymweld â'r Orsaf Wybodaeth, Hen Adeilad yr Orsaf, Queensway, Casnewydd NP20 4AX. (Oriau Swyddfa 8.30am i 5.30pm Dydd Llun i Ddydd Gwener)
- 1.7.3. Dylid anfon ceisiadau wedi eu cwblhau a'u hargraffu at:
- Enwi a Rhifo Strydoedd
Blwch Post 885, Casnewydd, NP20 9LT
- 1.7.4. Bydd pob cais am wasanaethau Enwi a Rhifo Strydoedd yn cynnwys:
- Ffurflen gais Enwi a rhifo Stryd wedi ei chwblhau – mae copi o'r ffurflen wedi ei chynnwys yn Atodiad 8.1
 - Cynllun lleoliad i raddfa briodol. Yn achos datblygiad newydd – bydd angen cynllun gosodiad, yn dynodi safle'r eiddo yng nghyd-destun yr amgylchedd daearyddol. Cyfeirier at Adrannau 7.1.4 – Cysylltiadau Defnyddiol ar gyfer manylion lle mae modd prynu cynlluniau lleoliad priodol.

- Y taliad priodol ar gyfer y gwasanaeth Enwi a Rhifo Strydoedd penodol sydd ei angen. Cyfeirier at Adran 6 – Taliadau am wasanaethau Enwi a Rhifo Strydoedd.

2 Enwi a Rhifo Datblygiadau Newydd

2.1 Egwyddor Gyffredinol

- 2.1.1. Caiff y gwaith o enwi a rhifo strydoedd yng Nghasnewydd ei wneud o fewn darpariaethau Deddf Iechyd y Cyhoedd 1925, Adran 17 – Hysbysiad i Awdurdod Lleol Trefol cyn enwi stryd.
- 2.1.2. Mae Cyngor Dinas Casnewydd yn annog themâu awgrymedig gan ddatblygwyr parthed enwi strydoedd ac adeiladau arfaethedig sy'n cyflwyno cais am wasanaethau Enwi a Rhifo Strydoedd. Fodd bynnag, dylid cymryd gofal i sicrhau fod yr enwau a gaiff eu hawgrymu yn ateb y protocolau yn y ddogfen hon.
- 2.1.3. Mae i Gasnewydd gefndir hanesyddol arwyddocaol ac felly er mwyn sicrhau'r dreftadaeth hon, rhoddir ffafriaeth i gynlluniau enwi sydd â chyd-destun lleol neu hanesyddol.
- 2.1.4. Os na ellir sefydlu cysylltiad hanesyddol yn uniongyrchol â'r tir i'w ddatblygu yna gellir archwilio ardaloedd gerllaw am syniadau.
- 2.1.5. Os na ellir pennu unrhyw gyd-destun hanesyddol neu leol, a bod y datblygiad arfaethedig yn cynnwys rhwydwaith o strydoedd ac adeiladau, yna gellir awgrymu thema. Unwaith eto, dylid cymryd gofal i sicrhau fod y themâu a gaiff eu hawgrymu yn ateb y protocolau yn y ddogfen hon.
- 2.1.6. Er bod rhwydd hynt i unigolion a busnesau awgrymu themâu enwi strydoedd ar ddatblygiadau newydd, gall y Cyngor gyflwyno hysbysiad o wrthwynebiad dan Adran 17 y Ddeddf. Gall y person neu'r busnes sy'n cynnig yr enw stryd, o fewn un diwrnod ar hugain wedi cyflwyno'r hysbysiad, apelio i'r Llys Ynadon yn erbyn unrhyw wrthwynebiad.
- 2.1.7. Swyddfa Comisiynydd y Gymraeg a fydd yn gyfrifol am bennu enwau lleoedd parthed cyfieithiadau Cymraeg.
- 2.1.8. Mae cyflenwi'r gwasanaeth enwi a rhifo strydoedd yn cael ei ddarparu dan Gynllun Dirprwyo'r Cyngor, o fewn portffolio Pennaeth Gwasanaethau Cwsmeriaid a Gwybodaeth.

2.2 Defnyddio Teitlau Marchnata Answyddogol

- 2.2.1. Ni fydd Cyngor Dinas Casnewydd yn mabwysiadu unrhyw deitlau neu themâu 'marchnata' answyddogol ar gyfer gwerthu eiddo newydd, oni bai bod cyd-destun hanesyddol neu leol wedi ei gytuno o flaen llaw. Mewn achosion o'r fath caiff y thema a gytunwyd ei mabwysiadu fel sail i'r cynllun enwi stryd cymeradwy.
- 2.2.2. Ni chaniateir mabwysiadu teitlau 'marchnata; er mwyn creu lleoliadau neu bentrefi deniadol 'answyddogol'.

- 2.2.3. Byddai'n ddoeth felly bod yn ofalus parthed enwau datblygiadau at ddibenion marchnata os nad yw'r enw wedi ei gytuno o flaen llaw.
- 2.2.4. Dylid tynnu sylw fodd bynnag yn y llenyddiaeth a gaiff ei dosbarthu i ddarpar brynwyr fod enwau marchnata yn destun cymeradwyaeth ac felly o bosib yn gallu newid.

2.3 Themâu Arfaethedig

- 2.3.1. Dylai datblygwr sy'n cynnig thema ar gyfer datblygiad newydd ystyried y canlynol:
- Dylai fod i enw(au)'r stryd neu adeilad a gaiff ei awgrymu, gyd-destun hanesyddol neu leol sydd wedi ei brofi a chysylltiad â safle'r datblygiad neu ardal gerllaw
 - Gall enwi strydoedd neu adeiladau ar ôl unigolion penodol fod yn fater ychydig yn oddrychol. Y polisi felly fydd dim ond i gynnwys enw unigolyn neu berson, un ai yn y gorffennol neu bresennol, mewn cynlluniau enwi cymeradwy os gellir sefydlu cyswllt hanesyddol neu waddol priodol
 - Yr unig eithriad fydd yn yr achosion hynny lle cyfeirir at leoliadau daearyddol hanesyddol fel enwau priod e.e. Kimberley Park, John's Wood a'u tebyg
 - Ni fydd y cynllun enwi stryd neu eiddo a gaiff ei awgrymu'r un fath neu yn debyg i unrhyw enwau sydd yn bodoli eisoes yng Nghasnewydd, er mwyn osgoi dryswch
 - Lle na ellir sefydlu cyd-destun hanesyddol neu leol a bod rhwydwaith o strydoedd neu adeiladau i gael eu creu, gall y datblygwr gyflwyno awgrym o thema, ynghyd a rhesymau priodol, iddo gael ei ystyried.
 - Dylid osgoi enwau strydoedd neu adeiladau a gaiff eu hawgrymu sydd yn anaddas am resymau esthetaidd. Er enghraifft Gaswork Road, Tip House ayb
 - Dylid osgoi enwau strydoedd neu adeiladau a gaiff eu hawgrymu y gellir eu camddehongli'n fwriadol. Er enghraifft Hoare Road, Typple Avenue, Quare Street ayb
 - Ni dderbynnir enwau strydoedd neu adeiladau a gaiff eu hawgrymu y gellid eu hystyried yn groes i Gynllun Cydraddoldeb Strategol y Cyngor a Deddf Cydraddoldeb 2010 neu eu hystyried fel rhai tramgwyddus neu anwedus
 - Dylai enwau atodol, e.e. rhes o adeiladau ar ffordd sydd wedi ei enwi eisoes yn 'Teras', gael eu hosgoi os yn bosibl
- 2.3.2. Gellir cael gafael ar gyngor ac arweiniad parthed cyd-destun hanesyddol neu leol drwy:
- Ymweld â'n gwefan yn www.newport.gov.uk/ers
 - E-bost i central.library@newport.gov.uk
 - E-bost i 6935snn@newport.gov.uk
 - Ffonio'r tîm enwi a rhifo strydoedd ar 01633 656656

3 Cymeradwyo Cynlluniau Enwi a Rhifo

3.1 Enwau Strydoedd

3.1.1. Caiff y gwaith o enwi a rhifo strydoedd yng Nghasnewydd ei wneud dan Adran 17 Deddf Iechyd y Cyhoedd 1925 – Hysbysiad i Awdurdod Lleol trefol cyn enwi stryd.

3.1.2. Bydd pob enw stryd newydd yn dechrau gydag un o'r rhagddodiaid canlynol (neu ôl-ddodiaid yn achos enwau Saesneg) a'u harfer yn y modd canlynol:

| | |
|----------------|---|
| Heol | - ar gyfer unrhyw brif ffordd neu ffyrdd trwodd |
| Rhodfa/Coedlan | - ar gyfer unrhyw ffordd neu ffyrdd trwodd |
| Rhodfa | - ar gyfer unrhyw ffordd neu ffyrdd trwodd |
| Stryd/Heol | - ar gyfer unrhyw ffordd neu ffyrdd trwodd |
| Ffordd/Heol | - ar gyfer unrhyw ffordd neu ffyrdd trwodd |
| Llwyn | - ar gyfer strydoedd preswyl |
| Stablau | - ar gyfer strydoedd preswyl |
| Plas/Maes | - ar gyfer strydoedd preswyl |
| Tai | - ar gyfer strydoedd preswyl |
| Gerddi | - ar gyfer strydoedd preswyl (gyhyd nad oes dryswch gyda manau agored lleol) |
| Clos | - ar gyfer ffyrdd pengaead yn unig |
| Llys/Cwrt | - ar gyfer ffyrdd pengaead a blociau preswyl yn unig |
| Pen | - ar gyfer ffyrdd pengaead yn unig |
| Cylch | - ar gyfer ffyrdd sy'n dechrau a gorffen yn yr un man |
| Cilgant | - ar gyfer ffyrdd â siâp cilgant |
| Sgwâr | - ar gyfer sgwâr yn unig |
| Teras/Rhodfa | - ar gyfer teras o dai |
| Bryn/Rhiw | - ar gyfer ffordd fryniog yn unig |
| Crib/Cefn | - ar gyfer ffordd fryniog yn unig |
| Rhiw/Tyle | - ar gyfer ffordd fryniog yn unig |
| Rhes/Stryd | - ar gyfer ffyrdd preswyl mewn amgylchiadau priodol |
| Bro/Glyn | - ar gyfer ffyrdd preswyl mewn amgylchiadau priodol |
| Trem | - ar gyfer ffyrdd preswyl mewn amgylchiadau priodol |
| Comin | - ar gyfer ffyrdd mewn amgylchiadau priodol |
| Rhodfa | - ar gyfer ffyrdd mewn amgylchiadau priodol |
| Parc | - ar gyfer ffyrdd mewn amgylchiadau priodol |
| Golwg/Trem | - ar gyfer ffyrdd mewn amgylchiadau priodol |
| Lôn | - ar gyfer unrhyw ffordd neu ffordd drwodd mewn ardal wledig (neu mewn amgylchiadau priodol) |
| Dôl | - ar gyfer unrhyw ffordd neu ffordd drwodd mewn ardal wledig |
| Coedlan/Glyn | - ar gyfer ffyrdd sydd â chysylltiad hanesyddol â dyffryn oediog |
| Glanfa | - ar gyfer ffyrdd sy'n gyfochrog neu gerllaw dyfrffyrdd y gellir eu mordwyo |

| | |
|---------------|------------------------------|
| Cylchfan | - ar gyfer cylchfan fawr |
| Ffordd/Rhodfa | - ar gyfer ffyrdd i gerddwyr |
| Llwybr | - ar gyfer ffyrdd i gerddwyr |
| Llwybr Troed | - ar gyfer ffyrdd i gerddwyr |

- 3.1.3. Mae enwau unigol neu ddeuol heb ragddodiaid yn dderbyniol mewn amgylchiadau priodol. Er enghraifft prif ffyrdd fel Kingsway, Queensway, Broadway.
- 3.1.4. Nid yw defnyddio Gogledd, De, Dwyrain neu Gorllewin fel rhagddodiad yn dderbyniol yn gyffredinol. Fodd bynnag, cydnabyddir mewn amgylchiadau eithriadol y gall fod yn briodol er mwyn hwyluso adnabod stryd.
- 3.1.5. Ar unrhyw brif ffordd neu ffordd drwodd, bydd Cyngor Dinas Casnewydd yn ymdrechu i nodi cylchfannau amlwg gydag enw priodol. Er enghraifft Cylchfan yr Old Green, Cylchfan y Coldra, Cylchfan Pont Ebwy ayb.
- 3.1.6. Mae Cyngor Dinas Casnewydd yn annog awgrymiadau gan ddatblygwyr wrth gyflwyno cais am enwau strydoedd, fodd bynnag dylid arfer gofal er mwyn sicrhau eu bod yn unol â'r protocolau a nodwyd uchod yn benodol yr adran flaenorol sy'n sôn am Enwi a Rhifo Datblygiadau Newydd.

3.2 Cyfresi Rhif Eiddo

- 3.2.1. Gweithredir y protocolau canlynol ar unrhyw gynlluniau datblygiadau newydd a byddant yn cynnwys:
- Odrifau eiddo wedi eu dyrannu i ochr chwith y stryd newydd arfaethedig yn rhedeg o ddechrau i ddiwedd y stryd
 - Eilrifau eiddo wedi eu dyrannu i ochr dde'r stryd newydd arfaethedig yn rhedeg o ddechrau i ddiwedd y stryd
 - Caiff ffyrdd pengaead a datblygiadau ar raddfa fechan eu rhifo'n olynol gan ddilyn cyfeiriad y cloc. Caiff datblygiadau pengaead hwy unwaith eto eu rhifo gydag odrifau eiddo ar y chwith ac eilrifau eiddo ar y dde
 - Caiff y rhif eiddo 13 ei ddiddymu o'r cynllun rhifo eiddo, yn bennaf ar sail ceisiadau hanesyddol i'w newid
 - Lle nad oes cyfres rhifo stryd yn bodoli, mewn ardaloedd gwledig yn bennaf, bydd yn briodol dyrannu enwau eiddo y cytunwyd arnynt. Fodd bynnag, bydd pob enw eiddo cymeradwy wedi ei gyfeirio yn uniongyrchol at y stryd swyddogol ddynodedig agosaf er mwyn galluogi'r gwasanaethau brys i ddod o hyd i eiddo yn gyflym
 - Bydd datblygiad mewnlennad (eiddo newydd a gaiff ei adeiladu rhwng eiddo sy'n bodoli eisoes neu sydd ar dir eiddo sy'n bodoli eisoes) ar stryd sydd â rhifau yn derbyn yr un rhif tŷ â'r eiddo yn union cyn y mewnlennad a'i ddilyn gan yr ôl-ddodiad 'A' neu 'B'. Er enghraifft 24A, 24B ayb
 - Caiff eiddo, yn benodol y rheiny sydd ar safle cornel, eu rhifo neu eu henwi yn unol â'r stryd lle lleolir ac y cyrchir y brif fynedfa. Ni chaniateir ystumio enwau neu rifau eiddo er mwyn sicrhau cyfeiriad mwy mawreddog neu er mwyn osgoi cyfeiriad, y tybir fod iddo gynodiadau annymunol.

- Gellir rhoi enw ar flociau o fflatiau ond bydd pob fflat unigol yn cael ei rifo'n olynol
- Dylai pob enw bloc datblygiad ddechrau gydag un o'r rhagddodiaid canlynol (neu ôl-ddodiaid yn achos enwau Saesneg):
 - Llys
 - Tŷ
 - Trwyn
 - Tŵr
 - Porthdy
 - Fflatiau
 - Plastai
 - Tyrau
- Dylai eiddo masnachol sy'n cynnwys nifer o swyddfeydd, ystafelloedd swyddfa neu unedau sicrhau fod pob un wedi ei rifo yn ddelfrydol â chynllun rhifo. Er enghraifft Ystafell 1, Ystafell 2 neu fel arall yn ôl ei leoliad o fewn yr adeilad – llawr gwaelod, llawr cyntaf ayb
- Dylai pob eiddo masnachol fod wedi ei rifo'n unigol neu ei enwi ac eithrio mewn amgylchiadau eithriadol lle mai enw'r busnes neu sefydliad yw'r unig fodd o adnabod yr eiddo

3.3 Canolfannau Siopa, Parciau Manwerthu ac Ystadau Diwydiannol

3.3.1. Er mwyn lleihau dryswch, bydd cyfeiriad pob eiddo masnachol yn gyfeiriad cynaliadwy y gellir ei ailddefnyddio, waeth pa fusnes neu sefydliad sy'n meddiannu'r eiddo. Caiff rhifau uned priodol eu dyrannu a fydd yn aros yn gyson hyd yn oed os bydd y busnes sy'n meddiannu'r eiddo yn newid. Dylid arddangos rhif yr uned yn amlwg ar bob adeilad.

3.3.2. Canolfannau Siopa, Arcedau neu Rodfeydd Siopa:

Cytunir ar enw a bydd gofyn i bob siop neu uned o'u mewn gael ei rif unigol ei hun. Y stryd lle ystyrir bod prif neu fynediad pennaf yr adeilad fydd y stryd a gaiff ei defnyddio yn y cyfeiriad swyddogol. Caiff pwyntiau mynediad amgen eu cofnodi yn Rhestr Gyfeiriadau Corfforaethol y Cyngor a'u cyflenwi yn unol â hynny i bartneriaid rhanddeiliadol mewnol ac allanol. Er enghraifft:

- Uned 1, Arcêd Siopa Casnewydd, High Street, Casnewydd
- Uned 2, Arcêd Siopa Casnewydd, High Street, Casnewydd
- Uned 1, Arcêd Siopa Casnewydd, Commercial Street, Casnewydd
- Uned 2, Arcêd Siopa Casnewydd, Commercial Street, Casnewydd

3.3.3. 3.3.3. Parciau Manwerthu a Rhodfeydd Siopa Awyr Agored:

Cytunir ar enw ar gyfer y parc neu rodfa. Bydd y protocolau fel y'u diffinnir uchod.

3.3.4. Ystadau Diwydiannol:

Lle bo'n briodol rhoddir enw ar ystâd ddiwydiannol. Bydd gofyn i bob uned neu iard gael rhif unigryw. Bydd y protocolau a amlinellir uchod yn berthnasol.

3.3.5. Os yw'r ganolfan siopa, arcêd, rhodfa siopa, parc manwerthu, neu ganolfan siopa i gerddwyr yn cynnwys mwy nag un stryd ag enw swyddogol, a chredir bod angen enwau priodol ar y strydoedd hyn, caiff yr eiddo eu rhifo i'r stryd o ble y ceir mynediad iddynt. Felly caiff ardal gymeradwy ei neilltuo er mwyn helpu gydag adnabod. Er enghraifft:

- Uned 1, Central Avenue, Parc Manwerthu Casnewydd, Casnewydd
- Uned 2, Central Avenue, Parc Manwerthu Casnewydd, Casnewydd
- Uned 1, Severn Stiles Avenue, Parc Manwerthu Casnewydd, Casnewydd
- Uned 2, Severn Stiles Avenue, Parc Manwerthu Casnewydd, Casnewydd

3.3.6. 3.3.6. Dylid nodi fod enwau Canolfannau Siopa, Parciau Manwerthu ac Ystadau Diwydiannol ayb fod yn unol â'r un egwyddorion â'r rheiny a amlinellwyd ar gyfer enwau strydoedd ac adeiladau anodwyd yn Adran 2 a 3. Argymhellir cysylltu â'r tîm enwi a rhifo ar y cyfle cyntaf yn y datblygiad fel y gellir cytuno ar y cynlluniau enwi a rhifo o'r dechrau'n deg.

3.4 Gweithredu Cyfeiriadau Newydd

3.4.1. Pan fo datblygiad newydd wedi ei gymeradwyo, caiff cyfeiriadau eu creu gan y Cyngor fel endidau 'dros dro'. Caiff manylion y datblygiad arfaethedig eu rhannu gyda'r Post Brenhinol a fydd wedyn yn 'dal a chofnodi' y cyfeiriadau ar eu cronfa ddata 'Heb Eu Codi Eto'. I osgoi unrhyw broblemau gyda phost yn cael ei yrru at gyfeiriadau nad ydyn nhw'n bodoli nid yw'r cyfeiriadau yn fyw nes meddiennir yr eiddo neu nes bod yr eiddo bron â chael ei gwblhau ac felly'n gallu derbyn gwasanaethau post.

3.4.2. Wrth i bob eiddo agosáu at gael ei gwblhau bydd gofyn i'r datblygwr hysbysu'r Tîm enwi a Rhifo a gofyn i'r cyfeiriad ddechrau cael ei ddefnyddio. Ar dderbyn hysbysiad bydd cadarnhad yn cael ei roi i bob gwasanaeth mewnol a phartneriaid allanol, gan gynnwys y gwasanaethau brys. Hysbysir y Post Brenhinol er mwyn sicrhau fod y cofnodion cywir yn cael eu symud o'u cronfa ddata 'Heb Eu Codi Eto' i'r Ffeil Cyfeiriad Cod Post (PAF) fel y bydd ar gael i'w ddefnyddio'n gyffredinol a bydd modd cyfeirio ato ledled y Deyrnas Gyfunol.

3.5 Ychwanegu Enw i Eiddo â Rhif sy'n Bodoli'n Barod

3.5.1. Caniateir rhoi enw ar eiddo pan fo cynllun rhifo eisoes ar waith. Bydd yr enw yn ychwanegiad i'r rhif ac nid yn ei ddisodli. Ni ddylai'r enw fod yn cael ei ddefnyddio eisoes gan unrhyw eiddo arall, na swnio'n rhy debyg i enw eiddo arall, yn yr ardal. Caiff gwiriad manwl ei wneud ar dderbyn cais er mwyn osgoi dyblygu ac ni chaiff enwau sy'n groes i Gynllun Cydraddoldeb Strategol y Cyngor na Deddf Cydraddoldeb 2010 neu a gaiff eu hystyried yn dramgwyddus neu anwedus eu derbyn.

3.6 Ailenwi Eiddo sydd ag Enw'n Barod

3.6.1. Mae'n bosib y caiff enw eiddo sy'n bodoli yn barod ei newid. Ni ddylai'r enw arfaethedig fod yn cael ei ddefnyddio eisoes gan unrhyw eiddo arall, na swnio'n rhy debyg i enw eiddo arall, yn yr ardal. Caiff gwiriad manwl ei wneud ar dderbyn cais er mwyn osgoi dyblygu ac ni chaiff enwau sy'n groes i Gynllun Cydraddoldeb Strategol y Cyngor na Deddf Cydraddoldeb 2010 neu a gaiff eu hystyried yn dramgwyddus neu anwedus neu yn agored i gael eu camddehongli eu derbyn.

3.7 Addasu Adeilad sy'n Bodoli'n Barod

- 3.7.1. Bydd addasu neu rannu eiddo preswyl sy'n arwain at un pwynt mynediad lle cyrchir yr holl fflatiau ohono yn golygu rhifo yn hytrach na disgrifiad neu lythrennau. Er enghraifft, Fflat 1 yn hytrach na Fflat Llawr Cyntaf neu Fflat A
- 3.7.2. Bydd addasu neu rannu eiddo preswyl sy'n arwain at bwyntiau mynediad lluosog gyda phob fflat â'i ddrws blaen ei hun ar wahân o'r stryd ddynodedig, yn cynnwys ôl-ddodiad i'r cyfeiriad cyffredinol. Er enghraifft bydd 'A', 'B', 'C' yn dod yn 24A, 24B, 24C
- 3.7.3. Bydd eiddo a gyfunwyd yn defnyddio rhifau'r eiddo gwreiddiol pan ddefnyddir rhifau eiddo. Er enghraifft, bydd cyfuno dau eiddo yn rhif 4 High Street a 6 High Street neu Uned 1 Ystâd Fasnach ac Uned 2 Ystâd Fasnach yn arwain at gyfeiriadau newydd sef 4-6 High Street ac Uned 1-2 Ystâd Fasnach yn y drefn honno.

3.8 Ailenwi Stryd

- 3.8.1. Caiff newid enw stryd yng Nghasnewydd ei wneud o fewn darpariaethau Adran 18 Deddf Iechyd y Cyhoedd 1925 ~ Newid enw stryd.
- 3.8.2. Trwy orchymyn gall y Cyngor newid enw unrhyw stryd, neu ran o stryd, neu gall ddynodi enw ar unrhyw stryd, neu ran o stryd, lle nad oes enw wedi ei roi.
- 3.8.3. Heb fod yn llai na mis cyn gwneud y gorchymyn dan yr adran hon, bydd y Cyngor yn hysbysu'r gorchymyn arfaethedig ar ddiwedd bob pen i'r stryd, neu ran o'r stryd, neu mewn rhyw fan amlwg yn y stryd neu'r rhan yr effeithir arni.
- 3.8.4. Bydd pob hysbysiad o'r fath yn cynnwys datganiad i'r perwyl y gall y Cyngor wneud y gorchymyn arfaethedig ar unrhyw adeg wedi'r dyddiad a enwir yn yr hysbysiad, a bydd modd i unrhyw berson a dramgwyddir yn ei erbyn apelio dan y ddeddf hon i lys ynadon yn erbyn y gorchymyn arfaethedig.
- 3.8.5. Gall unrhyw berson a gaiff ei dramgwyddo gan orchymyn arfaethedig y Cyngor, o fewn un diwrnod ar hugain wedi codi'r hysbysiad, apelio i'r Llys Ynadon.
- 3.8.6. Mewn achos pan fo gofyn am newid enw stryd sy'n bodoli'n barod neu fod enw stryd yn cael ei neilltuo i stryd nad oedd ag enw o'r blaen, yna ymgynghorir yn llawn â'r preswylwyr presennol.
- 3.8.7. Pan fo preswylwyr yn gofyn i gael enwi neu ailenwi stryd sy'n bodoli eisoes a phan fo dwy ran o dair o'r preswylwyr yn cytuno, gellir gwneud cais i newid enw stryd. Bydd gofyn i'r cais fod â rhesymau penodol a rhaid cynnwys y dewis enw newydd. Rhaid i'r enw newydd lynu wrth yr egwyddorion a nodwyd yn y polisi.

3.9 Ail-rifo eiddo/adeiladau sy'n bodoli'n barod neu ailenwi stryd

- 3.9.1. Bydd ail-rifo eiddo sy'n bodoli'n barod yn cael ei ystyried pan geir newidiadau sy'n peri (neu sy'n debygol o beri) problemau ar gyfer darparu gwasanaethau neu broblemau a gaiff eu codi gan y gwasanaethau brys. Gallai hyn fod yn berthnasol lle na ellir cwmpasu datblygiad newydd o fewn y gyfres rifo sy'n bodoli'n barod. Gan y gall y broses gymryd amser ac arwain at gostau ychwanegol, tarfu neu anghyfleustra i feddianwyr unigol, dylid ei osgoi lle bynnag y bo modd.

- 3.9.2. Ar gyfer datblygiadau newydd ar stryd sy'n bodoli'n barod, ffafrir defnyddio ôl-ddodiaid, neu ail-rifo os mai ond ychydig o eiddo a effeithir arnynt, yn hytrach nag ail-rifo stryd gyfan. Fodd bynnag nid yw hyn wastad yn bosibl a bydd ailenwi strydoedd ac ail-rifo eiddo yn ôl disgrisiwn Cyngor Dinas Casnewydd.

4 Hysbysu Partneriaid Mewnol ac Allanol am Wybodaeth Ynghylch Newid Cyfeiriad

- 4.1.1. Yn dilyn cwblhau cais Enwi a Rhifo Strydoedd, bydd y Cyngor yn cynnwys y partneriaid canlynol yn rhan o'r broses hysbysu ffurfiol:

- Pob un o Wasanaethau Mewnol y Cyngor
- Heddlu Gwent
- Ymddiriedolaeth Gwasanaeth Ambiwlans Cymru
- Tân ac Achub De Cymru
- Bwrdd Iechyd Aneurin Bevan
- Arolwg Ordnans
- Post Brenhinol
- Asiantaeth y Swyddfa Brisio
- Cofrestrfa Tir
- Wastesavers Casnewydd
- Landlordiaid Cymdeithasol Cofrestredig lle bo'n briodol

5 Rhestr Cyfeiriadau Corfforaethol Cyngor Dinas Casnewydd

- 5.1.1. Defnyddir dwy brif ffynhonnell ar gyfer gwybodaeth ynghylch cyfeiriadau ledled y DU.
- 5.1.2. Fel awdurdod lleol, mae gofyn i'r Cyngor reoli a chynnal Rhestr Cyfeiriadau a Strydoedd Corfforaethol gyda diweddariadau rheolaidd yn cael eu bwydo i hyb canolog y Rhestr Cyfeiriadau a Strydoedd Cenedlaethol.
- 5.1.3. Y Rhestrau Cyfeiriadau a Strydoedd Corfforaethol, a gaiff eu rheoli a'u cynnal gan bob awdurdod lleol ac unedig ar hyd a lled Cymru, yr Alban a Lloegr, yw carreg sylfaen datblygiad a chyflawniad rhaglen seilwaith cyfeiriadau cenedlaethol Gwledydd Prydain.
- 5.1.4. Rheolir y Rhestr Cyfeiriadau a Strydoedd Cenedlaethol gan GeoPlace (partneriaeth atebolrwydd cyfyngedig sector gyhoeddus rhwng y Gymdeithas Lywodraeth Leol a'r Arolwg Ordnans) gan ddarparu ffynonellau dibynadwy, cadarn a diweddar o ddata cyfeiriadau gofodol a strydoedd sydd yn eiddo i'r cyhoedd.
- 5.1.5. Caiff y Rhestrau Cenedlaethol eu cydnabod fel cydrannau allweddol ar gyfer datblygu cofrestr gynhwysfawr o wybodaeth cyfeiriadau a strydoedd cywir ar gyfer y sector cyhoeddus a phreifat.

- 5.1.6. Mae'r Rhestrau Corfforaethol yn cydymffurfio â Safon Prydeinig BS7666 – Setiau Data Gofodol ar gyfer Cyfeirio Daearyddol Rhan 1 a 2 a Chanllawiau'r Confensiwn Cofnodi Data Cenedlaethol fel y cytunir gan yr awdurdodau cynnal dynodedig.
- 5.1.7. Gall y cyfeiriadau sydd yn y Rhestr Cyfeiriadau Corfforaethol fod yn wahanol i rai'r Swyddfa Bost gan fod angen iddynt fod yn sail i ofynion ac anghenion busnes gwahanol.
- 5.1.8. Mae ffeil cyfeiriad cod post y Post Brenhinol (PAF) wedi ei chreu yn benodol i gefnogi gwasanaethau dosbarthu post ac nid yw'r Post brenhinol yn derbyn unrhyw gyfrifoldeb neu atebolrwydd ar gyfer defnyddio'r PAF ar gyfer unrhyw ddiben neu ddefnydd arall y tu hwnt i ddarparu'r gwasanaethau hyn.
- 5.1.9. Bwriad y rhestr Cyfeiriadau Corfforaethol yw hwyluso dosbarthiad cywir yr holl wasanaethau ac mae wedi ei seilio ar leoliad daearyddol gwirioneddol yr eiddo ond hefyd gan gynnwys tref bostio fel ag a ddefnyddir gan y Post Brenhinol.
- 5.1.10. Ar ben hynny, mae'r Rhestr Cyfeiriadau corfforaethol yn cynnwys gwrthrychau nad sy'n ymwneud a'r post megis tir datblygu a thir amaeth, coetiroedd, parciau, eglwysi, toiledau cyhoeddus i enwi ond ychydig nad sydd wedi eu cwmpasu o fewn y PAF.
- 5.1.11. Mae'r gwahaniaethau wedi eu crynhoi isod:

| Elfen Cyfeiriad | Cyfeiriad Post | Cyfeiriad BS7666 |
|---|--|---|
| Rhif/enw fflat | Heb ei gynnwys bob tro | Wedi ei gynnwys bob tro |
| Rhif eiddo | Wedi ei gynnwys bob tro | Wedi ei gynnwys bob tro |
| Enw eiddo | Ei gynnwys os nad oes rhif | Wedi ei gynnwys bob tro |
| Enw Stryd | Heb ei gynnwys bob tro mewn ardaloedd gwledig | Wedi ei gynnwys bob tro |
| Ardal | Wedi ei gynnwys pan fo angen gweithredol ar y Post Brenhinol | Wedi ei gynnwys pan fo enw o'r fath yn bodoli |
| Tref | Wedi ei gynnwys pan fo angen gweithredol ar y Post Brenhinol | Wedi ei gynnwys bob tro |
| Tref bostio | Wedi ei gynnwys bob tro | Wedi ei gynnwys bob tro ond ar wahân i'r dref ddaearyddol |
| Cod post | Wedi ei gynnwys bob tro lle y'i dyrannwyd | Wedi ei gynnwys bob tro lle y'i dyrannwyd |
| O.N.: lle bo ardal wedi ei gofnodi efallai na fydd o hyd yr un peth yn y ddau fath o gyfeiriadau. | | |

- 5.1.12. Rhestr Cyfeiriadau Corfforaethol y Cyngor yw'r brif restr cyfeiriadau a ddefnyddir i ddarparu gwasanaethau'r Cyngor.

6 Taliadau ar gyfer gwasanaethau Enwi a Rhifo Strydoedd

6.1 Graddfa'r Taliadau

| Categori | Taliad (yn cynnwys TAW). |
|--|---|
| Enwi/Ailenwi Eiddo | £41.60 |
| Datblygiad Llain Sengl | £114.40 |
| Datblygiad 2+ Plot | £114.40 + £41.60 fesul Llain Ychwanegol |
| Newidiadau i Osodiad datblygiad yn dilyn Hysbysiad | £41.60 fesul Llain a Effeithiwyd |
| Ailenwi Stryd ar Gais Preswylwyr | £114.40 + £41.60 fesul Eiddo |
| Cadarnhau Cyfeiriad | £41.60 |

Mae'r gyfradd daliadau gwahanredol a amlinellir uchod yn gyfredol ar 1 Ebrill 2014. Caiff y taliadau eu hadolygu'n flynyddol.

7 Cysylltiadau Defnyddiol

7.1.1. Tîm Enwi a Rhifo Strydoedd Cyngor Dinas Casnewydd

- Gwefan: www.newport.gov.uk/ers
- E-bost: 6935snn@newport.gov.uk
- Ffôn: 01633 656656
- Post: **Enwi a Rhifo Strydoedd, Blwch Post 885, Casnewydd, NP20 9LT**

7.1.2. Strydlun – ar gyfer manylion ar Blatiau Enwau Strydoedd

- Gwefan: Strydlun
- E-bost: streetscene@newport.gov.uk
- Ffôn: 01633 656656

7.1.3. Y Post Brenhinol

- Gwefan: www.royalmail.com
- Ffôn: 08456 011110 (llinell ymholiadau rheoli cyfeiriadau)

7.1.4. Mae Cynlluniau Lleoliad i'w cael i'w prynu gan

- Cyngor Dinas Casnewydd, Gorsaf Wybodaeth, Old Station Building, Queensway, Casnewydd, NP20 4AX. Ffôn: 01633 656656
- Azimuth Land Surveys Ltd, 28 Cardiff Road, Casnewydd, NP20 2ED. Ffôn: 01633 263575. E-bost: info@azimuthgroup.co.uk

8 Atodiadau

8.1 Cyngor Dinas Casnewydd - Ffurflen Gais Enwi a Rhifo Strydoedd

UPRN:

SNN:



Cais Enwi a Rhifo Strydoedd

Gwnewch gais ar-lein: www.newport.gov.uk/ers

Gellir anfon ceisiadau at: Enwi a Rhifo Strydoedd, Blwch Post 885, Casnewydd, NP20 9LT.

Mae'n rhaid i bob cais am wasanaethau Enwi a Rhifo Stryd gynnwys, yn ogystal â'r ffurflen hon, y ffi berthnasol a chynllun lleoliad ar y raddfa briodol (i raddfa nid yn llai na 1:1250) ac mewn achos datblygiad newydd - cynllun gosodiad, gan nodi safle'r eiddo mewn perthynas â'r amgylchedd daearyddol.

1 Manylion yr Ymgeisydd

Enw Cyswllt

Enw'r Cwmni (os yn berthnasol)

Cyfeiriad

..... Cod Post

Rhif Ffôn yn ystod y dydd Ffôn symudol

E-bost

Hoffwn ohebu yn Gymraeg Saesneg

2 Cyfeiriad neu Leoliad Safle *y mae'r cais yn cyfeirio ato*

Cyfeiriad / Lleoliad / Enw'r Datblygiad

.....

.....

3 Perchnogaeth

Rhydd-ddeiliad Y Safle Gyfan Rhan o'r Safle

Lesddeiliad Y Safle Gyfan Rhan o'r Safle

Os nad chi yw'r Rhydd-ddeiliad yr eiddo, rhaid i chi atodi caniatâd ysgrifenedig gan y Rhydd-ddeiliad, gan gynnwys manylion cyswllt, er mwyn i chi wneud cais am y newid arfaethedig.

4 Math o Eiddo a Defnydd

Preswyl Nodwch os yw'n Dŷ ar Wahân / Dŷ Pâr / Dŷ Teras / Fflat ayb

.....

Busnes Nodwch natur y busnes

.....

Arall Nodwch defnydd yn fanwl

.....

5 Manylion y Cais *Cwblhewch 1 opsiwn yn unig o'r adran hon*

- Enwi Eiddo** - *Ychwanegu neu newid enw eiddo a enwyd/ rhifwyd eisoes (nid yw'n berthnasol i eiddo sydd newydd ei adeiladu/ addasu).*

Enw Presennol (*os yn berthnasol*)

Enw Arfaethedig

- Datblygiad** - *Gan gynnwys adeiladu o'r newydd neu rannu eiddo sy'n bodoli eisoes i fflatiau, unedau ayb.*

Nifer o Leiniau..... Darparwch gynlluniau.

Rhif Cais Cynllunio Rhif Rheoliadau Adeiladu

Rhowch fanylion o enwau adeiladau a / neu enwau strydoedd ynghyd â'r rhesymau dros eich dewisiadau. Rhoddir blaenoriaeth i enwau gyda chyd-destun hanesyddol neu leol. Fel arall, bydd y Tîm Enwi a Rhifo strydoedd yn hapus i awgrymu enwau ar eich cyfer.

.....

.....

.....

.....

.....

Ar gyfer datblygiadau o fflatiau neu randai nodwch safle'r blychau post.

- Blychau post yn nrws ffrynt pob fflat neu randy.
- Banc o flychau post ger y prif fynedfa.
- Arall (*nodwch*)

Ydy'r eiddo yn gyfan ac yn barod i'w ddefnyddio?

- Ydy Nac Ydy Dyddiad amcangyfrifedig cwblhau

- Newid i'r Cynllun Datblygu** - *Newidiadau i safleoedd a enwyd/rhifwyd eisoes*

Rhif Cais Enwi a Rhifo Stryd (*cyfeiriwch at lythyr cydnabod y cais gwreiddiol*)

Manylion Newidiadau

.....

Nifer o Leiniau Darparwch gynlluniau diwygiedig

- Ailenwi Strydoedd ar Gais Preswylwyr**

Enw Stryd Presennol

Enw Stryd Arfaethedig

Rheswm am y Newid

- Cadarnhau Cyfeiriad** – *i drawsgludwyr ayb*

6 Datganiad

Rwyf i / Rydym ni drwy hyn yn gwneud cais am wasanaethau Enwi a Rhifo Strydoedd fel a fanylir yn y cais hwn ac yn datgan fod y wybodaeth a roddir ar y ffurflen hon yn gywir ac yn wir hyd eithaf fy ngwybodaeth / ein gwybodaeth ni. Rwyf hefyd yn cadarnhau mai fi/ ni yw perchennog / perchnogion cyfreithiol yr eiddo.

Llofnod(ion) Dyddiad

7 Rhestr wirio - Cyn dychwelyd y ffurflen wedi'i llenwi gwiriwch eich bod wedi cynnwys yr eitemau canlynol. *Sylwer: mae angen y 3 eitem ar gyfer pob cais.*

- Ffurflen gais wedi'i chwblhau**, llofnodi a'i dyddio
- Cynllun lleoliad i raddfa briodol** (i raddfa nid yn llai na 1:1250) ac yn achos datblygiad newydd - cynllun gosodiad, gan nodi safle'r eiddo mewn perthynas â'r amgylchedd daearyddol
- Y ffi briodol** (gweler adran 8 Graddfa Tâl) - Sicciau'n daladwy i 'Cyngor Dinas Casnewydd'

GWNEUD CAIS ARLEIN: www.newport.gov.uk/ers

Neu ddychwelyd cais llawn i: **Enwi a Rhifo Strydoedd, Blwch Post 885, NP20 9LT**

8 Graddfa Daliadau

Mae ffioedd Enwi a Rhifo Strydoedd wedi eu cynndu gan 4% (fel a gymeradwywyd gan Gyfarfod o'r Cyngor ym mis Chwefror 2014) a ddaeth i rym ar y 1af Ebrill 2014.

| Categori | Ffioedd Presennol |
|---|---|
| Enwi/Ail-enwi Eiddo (nid yw'n cynnwys eiddo sydd newydd eu hadeiladu/ addasu) | £41.60 |
| Datblygiad Llain Sengl | £114.40 |
| Datblygiad 2+ Llain | £114.40 + £41.60 ar gyfer pob llain ychwanegol (<i>ee: Datblygiad o 2 lain = £156</i>) |
| Newidiadau i Gynllun Datblygu ar ôl Hysbysu | £41.60 ar gyfer pob llain a effeithir |
| Ail-enwi strydoedd ar Gais Preswylwyr | £114.40 + £41.60 ar gyfer pob llain ychwanegol |
| Cadarnhau'r Cyfeiriad i'r Trawsgludwr ayb | £41.60 |

9 Cymorth Os oes angen cymorth neu arweiniad amoch wrth wneud cais cysylltwch â neu ewch i

- ✓ Ein gwefan www.newport.gov.uk/ers
- ✓ E-bost 6935snn@newport.gov.uk
- ✓ Rhif ffôn - 01633 656656

I weld yr Hysbysiad Preifatrwydd Enwi a Rhifo Stryd ewch i: www.newport.gov.uk/ers